

AUGLÝSING

um staðfestingu á deiliskipulagi frístundabyggðar að Indriðastöðum, Skorradalshreppi.

Nýtt deiliskipulagssvæði og breyting á deiliskipulagi.

1) Deiliskipulag Bleikulágarási.

Samkvæmt skipulags- og byggingarlögum nr. 73/1997 hefur sveitarstjórn Skorradalshrepps samþykkt þann 14. febrúar 2001, nýtt deiliskipulag af frístundabyggð á Bleikulágarási í landi Indriðastaða, Skorradalshreppi í Borgarfirði.

2) Breyting á deiliskipulagi Bátaskýlasvæðis.

Samkvæmt skipulags- og byggingarlögum nr. 73/1997 hefur sveitarstjórn Skorradalshrepps samþykkt þann 14. febrúar 2001, breytingu á deiliskipulagi af bátaskýlasvæði í landi Indriðastaða, Skorradalshreppi í Borgarfirði.

Greinargerð og uppdráttir hafa hlotið þá meðferð sem skipulags- og byggingarlög mæla fyrir um.

Deiliskipulagssvæði þessi öðlast þegar gildi.

F.h. Skorradalshrepps, 10. apríl 2001.

Bjarni O.V. Þóroddsson byggingafulltrúi Skorradalshrepps.

REGLUGERÐ

um veitingu sérfræðileyfa í sjúkraþjálfun.

1. gr.

Rétt til að kalla sig sérfræðing í sjúkraþjálfun og starfa sem slíkur hér á landi hefur sá einn, er til þess hefur fengið leyfi heilbrigðis- og tryggingamálaráðherra.

2. gr.

Umsókn um sérfræðileyfi ásamt gögnum sem staðfesta menntun og starfsreynslu skal senda til heilbrigðis- og tryggingamálaráðuneytis.

3. gr.

Áður en sérfræðileyfi í sjúkraþjálfun er veitt skal leita umsagnar þriggja manna sérfræðinefndar sem ráðherra skipar. Í nefndinni skal vera einn fulltrúi tilnefndur af Félagi íslenskra sjúkraþjálfara, einn fulltrúi námsbrautar í sjúkraþjálfun við Háskóla Íslands og einn tilnefndur af landlækni.

4. gr.

Til þess að sjúkraþjálfari geti átt rétt á að öðlast sérfræðileyfi í sjúkraþjálfun, skal hann fullnægja eftirtöldum kröfum:

1. Hann skal hafa hlotið starfsleyfi heilbrigðis- og tryggingamálaráðherra til að starfa sem sjúkraþjálfari hér á landi, sbr. 1. gr. laga nr. 58/1976, um sjúkraþjálfun.
2. Hann skal hafa lokið meistaraþrófi eða doktorsþrófi frá viðurkenndum háskóla eða hafa sambærilega menntun.

3. Hann skal hafa starfað við sjúkraþjálfun minnst tvö ár eftir sérnám við þá sérgrein, sem hann sækir um sérfræðileyfi í.

5. gr.

Sérfræðileyfi má veita í klínískum sérgreinum og klínískum sérsviðum sjúkraþjálfunar. Skilyrt er að nám umsækjanda hafi að stærstum hluta verið innan þeirrar sérgreinar eða þess sérsviðs sem sótt er um sérfræðileyfi í.

6. gr.

Sérfræðingur skal endurnýja sérfræðileyfi sitt á tíu ára fresti og staðfesta að hann starfi og hafi viðhaldið menntun sinni í þeirri sérgrein eða á því sérsviði sem hann hefur sérfræðileyfi á.

7. gr.

Reglugerð þessi, sem er sett skv. 12. gr. laga um sjúkraþjálfun, nr. 58/1976 og öðlast þegar gildi. Reglugerð þessa skal endurskoða innan fimm ára frá gildistöku.

Heilbrigðis- og tryggingamálaráðuneytinu, 9. apríl 2001.

Ingibjörg Pálmadóttir.

Davíð Á. Gunnarsson.

11. apríl 2001

Nr. 319

SAMPYKKT um hunda- og kattahald í Aðaldælahreppi.

Hundahald.

1. gr.

Hundahald í Aðaldælahreppi sætir eftirfarandi takmörkunum:

- a) Óheimilt er með öllu að láta hunda ganga lausa á lóð Hafralækjarskóla og á lóðum við Iðjugerði og Víðigerði, nema minkahunda og sporhunda, þegar þeir eru að störfum, og þá í gæslu eigenda eða umráðamanna.
- b) Hundahald er óheimilt í íbúðarhúsnæði í eigu Hafralækjarskóla og sveitarfélagsins.
- c) Ekki er heimilt að hafa með sér hund, þó í taumi sé, inn í skólahús, leikskóla og starfsstöðvar sveitarfélagsins, hverju nafni sem þær nefnast, né á nokkurn þann stað sem úrvinnsla, meðferð, og/eða geymsla matvæla á sér stað.
- d) Hundaeigendur skulu sjá svo um að hundar þeirra valdi ekki hættu, eða verði mönnum til óþæginda.
- e) Hundaeigendur skulu árlega færa hunda sína til skoðunar og hreinsunar hjá dýralækni og skulu eigendur framvísa, ár hvert, á skrifstofu hreppsins, vottorði um að hreinsun hafi farið fram.
- f) Hundaeigendur á þeim stöðum þar sem bann við hundahaldi nær til, samkvæmt samþykkt þessari, er veitt heimild til að halda hunda sína fram til ágúst 2001. Fram að þeim tíma ber þeim skylda til að hafa hunda sína í bandi utandyra, sbr. lið 1.a